



Broj: 01-02-1-221-82  
Goražde, 20.12. 2021.godine

Na osnovu člana 8. Zakona o ministarskim, vladinim i drugim imenovanjima F BiH ("Sl. novine F BiH", broj: 12/03; 34/03 i 65/13), Člana 2. Odluke o utvrđivanju standarda i kriterija za imenovanje na pozicije reguliranih tijela Općine Goražde („Službene novine Općine Goražde“, br: 1/14) i Člana 2. Rješenja o imenovanju Komisije za izbor predsjednika i članova reguliranih tijela Grada Goražde (u daljem tekstu: komisija) broj: 01-02-1-221 od 20.01.2021. godine, Komisija, u ime Gradskog vijeća Grada Goražde, raspisuje:

## **PONOVLJENI JAVNI OGLAS**

**za izbor predsjednika Upravnog odbora Javne ustanove Centar za kulturu Goražde,  
predsjednika Upravnog odbora JU Apoteka „9. Maj“ Goražde i  
člana Skupštine JP Veterinarska stanica Goražde**

1. Raspisuje se Ponovljeni Javni oglas za izbor predsjednika Upravnog odbora Javne ustanove Centar za kulturu Goražde, predsjednika UO Apoteka „9. Maj“ Goražde i člana Skupštine JP Veterinarska stanica Goražde, kako slijedi:

### **Upravni odbor JU Centar za kulturu Goražde**

- Predsjednik Upravnog odbora / predstavnik osnivača/.....1

### **Upravni odbor JU Apoteka „9. Maj“ Goražde**

- Predsjednik Upravnog odbora / predstavnik osnivača .....1

**Člana Skupštine JP „Veterinarska stanica“ Goražde ..... 1 član**

## **2. Opis pozicije - Upravni odbor**

Djelokrug rada Upravnog odbora je: donosi pravila ustanove; imenuje i razrješava direktora odnosno v.d. direktora ustanove; utvrđuje planove rada i razvoja ustanove; utvrđuje godišnji program rada; donosi finansijski plan i usvaja godišnji obračun; donosi opšti akt o unutrašnjem uređenju i sistematizaciji poslova i druge opšte akte, u skladu sa zakonom i pravilima ustanove; odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove; rješava sva pitanja odnosa s osnivačem; odlučuje o korišćenju sredstava preko iznosa utvrđenog pravilima ustanove; odgovara osnivaču za rezultate rada ustanove; odlučuje o prigovoru radnika ustanove na rješenje kojim je drugi organ određen Pravilima ustanove odlučio o pravu, obavezama i odgovornostima radnika iz radnog odnosa; podnosi osnivaču najmanje jedanput godišnje izvještaj o poslovanju ustanove, te izvještaj o svom radu; bira i razrješava članove stalnih i povremenih radnih tijela ustanove; obavlja i druge poslove u skladu sa zakonom i pravilima ustanove.



## **2. Opis pozicije za Skupštinu:**

Skupština preduzeća odlučuje o poslovnoj politici i strategiji razvoja društva, usvajanju godišnjeg izvještaja društva, koji uključuje finansijski izvještaj i izvještaj o radu nadzornog odbora; rasporedu dobiti; načinu pokrića gubitka, povećanju i smanjenju osnovnog kapitala, promjeni firme, sjedišta i djelatnosti društva; pristupanju novih članova i isključenju člana, kao i naknadi udjela; usvajanju Statuta Društva; spajanju sa drugim društvima i pripajanju drugih društava Društvu ili Društva drugom društvu; promjeni oblika i podjeli Društva; prestanku Društva sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije; kupovini, prodaji, zamjeni, uzimanju ili davanju u lizing, uzimanju ili davanju kredita i drugim transakcijama direktno ili posredstvom supsidijarnih društava, u toku poslovne godine u obimu većem od 33% knjigovodstvene vrijednosti imovine Društva po bilansu stanja na kraju prethodne godine, na prijedlog uprave i nadzornog odbora; izboru i razrješenju članova nadzornog odbora pojedinačno; o naknadama članovima nadzornog odbora i odbora za reviziju; osnivanju, reorganizaciji i likvidaciji supsidijarnih društava i odobravanju njihovih statuta; izmjenama i dopunama odredaba Statuta, koje se ne odnose na pitanja u vezi povećanja i smanjenja osnovnog kapitala i spajanju sa drugim društvima i pripajanju drugih društava Društvu ili Društva drugom društvu i promjeni oblika i podjeli društva ili druga pitanja o kojima u skladu sa zakonom ili Statutom društva skupština društva donosi posebne odluke čiji pravni učinak uključuje izmjenu odgovarajućih odredaba statuta društva; poslovniku ili poslovnicima na prijedlog nadzornog odbora; etičkom kodeksu na prijedlog nadzornog odbora; planu poslovanja, odnosno revidiranom planu poslovanja u skladu sa članom 23. Zakona o javnim preduzećima FBiH; drugim pitanjima bitnim za poslovanje društva, u skladu sa zakonom i statutom; podnosi Gradskom vijeću Grada Goražda izvještaje o radu i poslovanju društva, najmanje jednom godišnje, a obavezno po izradi godišnjeg obračuna za prethodnu poslovnu godinu.

Na osnovu odluke o utvrđivanju standarda i kriterija za imenovanje na pozicije reguliranih tijela Općine Goražde broj: 01-02-1-429 od 30.01.2014. godine („Službene novine Općine Goražde“ broj: 1/14), kandidati moraju ispunjavati slijedeće uslove:

### **OPĆI USLOVI:**

1. Da je državljanin Bosne i Hercegovine,
2. Da je stariji/a od 18 godina,
3. Da nije otpušten/a iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
4. Da nije pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
5. Da nije osuđivan/a za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oprostene kazne,
6. Da mu/joj odlukom suda nije zabranjeno obavljanje aktivnosti na poziciji za koju se kandiduje,
7. Da nije izabrani dužnosnik/ca, nosilac izvršnih funkcija ili savjetnik/ca u smislu Zakona o sukobu interesa u institucijama vlasti BiH i Zakona o sukobu interesa u institucijama vlasti FBiH, odnosno da nije u sukobu interesa u smislu Uredbe sa zakonskom snagom o ustanovama ili po bilo kojem drugom osnovu,
8. Da nema privatni finansijski interes u reguliranom tijelu za koji se kandiduje,
9. Da nije stariji/a od 65 godina na dan imenovanja.

### **POSEBNI USLOVI**

1. Da ima visoku, višu ili srednju stručnu spremu;
2. Da ima najmanje 3 godine radnog iskustva u struci nakon sticanja visoke, više ili srednje stručne spreme;
3. Da nije predsjednik/ca ili član u nekom od reguliranih tijela na području Grada Goražda ;
4. Da ima komunikacijske i organizacijske sposobnosti.



## **POTREBNI DOKUMENTI**

- Potpisana prijava na Javni oglas sa kraćom biografijom, adresom i kontakt telefonom,
- Izvod iz matične knjige državljana, ne stariji od 6 mjeseci ili ovjerena kopija CIPS-ove lične karte,
- Izjava ovjerena od nadležnog organa gradske uprave ili notara da nije otpušten/a iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- Izjava ovjerena od nadležnog organa gradske uprave ili notara, da se na njega/nju ne odnosi član IX.1. Ustava Bosne i Hercegovine, (da nisu pod optužnicom Međunarodnog suda za ratne zločine u bivšoj Jugoslaviji),
- Uvjerjenje nadležnog Općinskog suda da nije osuđivan/a za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršne, zastarjele ili oproštene kazne; (ne starije od 3 mjeseca od podnošenja prijave),
- Uvjerjenje nadležnog Općinskog suda da mu/joj odlukom suda nije zabranjeno obavljanje aktivnosti na poziciju za koju se kandiduju, (ne starije od 3 mjeseca od podnošenja prijave),
- Izjava ovjerena od nadležnog organa gradske uprave ili notara da nije izabrani zvaničnik/ca, nosilac izvršnih funkcija ili savjetnik/ca u smislu Zakona o sukobu interesa u institucijama vlasti BiH i Zakona o sukobu interesa u insitucijama vlasti FBiH, da nije u sukobu interesa u smislu Uredbe sa zakonskom snagom o ustanovama ili po bilo kojem drugom osnovu, (ne starija od 3 mjeseca od podnošenja prijave)
- Izjava ovjerena od nadležnog organa gradske uprave ili notara, da nema privatni finansijski interes u reguliranom tijelu za koji se kandiduju, (ne starija od 3 mjeseca od podnošenja prijave)
- Ovjerena kopija diplome,
- Uvjerjenje o radnom iskustvu u struci nakon sticanja visoke, više ili srednje stručne spreme;
- Izjava ovjerena kod nadležnog organa uprave ili notara da nije predsjednik/ca ili član u nekom od reguliranih tijela na području Grada Goražda; (ne starija od 3 mjeseca od podnošenja prijave)

Kandidati koji uđu u uži izbor, biće pozvani na intervju. Na intervjuu kandidatima će odgovarati na pitanja u pismenoj formi iz nadležnosti upravnog odbora i organizacije javnih ustanova.

Kandidati koji uđu u uži izbor dužni su dati podatke o odgovarajućem broju ranijih neposrednih rukovodilaca, od kojih se mogu dobiti preporuke i informacije o kandidatima.

Po okončanju konkursne procedure komisija će dostaviti listu uspješnih kandidata, Gradonačelniku Grada Goražda i Komisiji za izbor i imenovanje Gradskog vijeća radi konačnog imenovanja.

Mandat predsjednika i članova UO Javne ustanove traje četiri (4) godine.

Predsjednik i članovi upravnog odbora imaju pravo na naknadu za rad, a visina naknade će se utvrditi uz saglasnost Gradonačelnika.

**Javni oglas ostaje otvoren 15 dana od dana objavljivanja u dnevnom listu "Dnevni avaz".**

Prijavu sa traženom dokumentacijom dostaviti u zatvorenoj koverti sa naznakom:

**“PRIJAVA NA PONOVLJENI JAVNI OGLAS ZA IZBOR  
PREDSJEDNIKA UPRAVNOG ODBORA JU CENTAR ZA KULTURU GORAŽDE  
ili PREDSJEDNIKA UO JU APOTEKA „9.Maj“ GORAŽDE ili  
ČLANA SKUPŠTINE JP VETERINARSKA STANICA GORAŽDE  
– NE OTVARATI”**

Prijavu dostaviti lično na protokol Grada Goražda ili preporučeno putem pošte na adresu:

Komisija za izbor predsjednika i članova reguliranih tijela Grada Goražda, kanc.broj:20,  
Ul.Maršala Tita 2 Goražde.

Neblagovremene, nepotpune i neuredne prijave neće se uzimati u razmatranje.

**DOSTAVITI:**

1. Službene novine Grada Goražda,
2. „Dnevni avaz”,
3. RTV BPK Goražde,
4. JU Centar za kulturu Goražde
5. JU Apoteka „9.Maj“ Goražde
6. JP Veterinarska stanica Goražde
7. Predsjedavajući Gradskog vijeća Grada Goražda,
8. Gradonačelnik Grada Goražda,
9. Oglasna tabla Grada Goražda,
10. Web stranica Grada Goražda,
11. U dosije,
12. a/a

Komisija za izbor predsjednika i članova  
reguliranih tijela Grada Goražda